



REPUBLIKA E KOSOVES-REPUBLIKA KOSOVA REPUBLIC OF KOSOVO
KËSHILLI PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Pranimi / Dërguar Prenjeto / Predato Received / Delivery	15-01-2021	viti / god / year	1
Organ / Njësia Organ / Jednitsa Org / Unit	Nr Prot Br Prot Prot No	Shitja e Prilog Appendix	Sasia / Kolicina Quantity
SKPMSHK	164/2021		113



Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.384/2020

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Arben Mehmeti-kryetar, Ardita Haxhnikaj-Demi dhe Eshref Shabani-anëtarë, si dhe Sabile Avdyli-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.384/2020 të datës 03.12.2020, të parashtruar nga ankuesi [] me adresë Qendra Klinike Universitare-Mjekësia Ligjore Prishtinë, kundër organit të punësimit-Ministria e Drejtësisë, në çështjen juridike “kërkesë nga marrëdhënia e punës” duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, të mbajtur me datë 15.01.2021, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës shpallet jo kompetent për të vendosur për ankesën me numër A.nr.384/2020 të datës 03.12.2020, e parashtruar nga ankuesi

A r s y e t i m

Ankuesi [] i punësuar në pozitën “Hetues Mjekësor i Vdekjes” sipas Akt emërimit të datës 05.03.2013, në Institutin e Mjekësisë Ligjore, në kuadër të Ministrisë së Drejtësisë, me datë 03.12.2020, ka parashtruar ankesë me numër protokoll 2912/2020 e regjistruar me numër A.nr.384/2020, në Këshillin e Pavarur Mbikëqyrës për Shërbimin Civil të Kosovës, me pretendimin që Këshilli të shqyrtoj dhe vlerësoj veprimet dhe vendimet e ndërmarra lidhur me shuarjen e pozitës “Hetues Mjekësor i Vdekjes”, sipas Rregullos MD Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullos Nr.02/2018 për Procedurën e Shqyrtimit dhe Vendosjen e Ankesave, me datë 08.12.2020, ka proceduar kërkesën për përgjigje në ankesë të Ministrisë së Drejtësisë. Këshilli me datë 21.12.2020, ka pranuar përgjigje në ankesë nga Ministria e Drejtësisë, se bashku me shkresat e bashkangjitura të lëndës.

Kolegji për shqyrtimin e ankesave ka administruar këto prova: Ankesën e datës 03.12.2020 me numër protokoll 2912, e parashtruar në Këshillin e Pavarur Mbikëqyrës për Shërbimin Civil të Kosovës; Përgjigjen e datës 30.11.2020 në kërkesën e datës 26.11.2020; Kërkesën e datës 26.11.2020 me numër protokoll 09-

558/3; Peticionin e datës 03.08.2020 me numër protokoll 09-558/2; Reagim në draft raportin vlerësues së BE-së lidhur me Projektin IPA 2 e datës 20.11.2020; Vendimin e datës 04.03.2020 me numër protokoll 02-219; E-mailin zyrtar të datës 07.07.2020; Kërkesën e datës 15.07.2020; E-mailin zyrtar të datës 14.08.2020; E-mailin zyrtar të datës 07.08.2020; E-mailin zyrtar të datës 05.08.2020 E-mailin zyrtar të datës 30.11.2020; Kërkesën për plotësim ndryshim të Rregullores MD-NR.01/2020 për organizimin e brendshëm dhe sistematizimin e Institutit të Mjekësisë Ligjore e datës 12.10.2020; Rregulloren e MD-Nr.01/2020 për organizimin e brendshëm dhe Sistematizimin e Institutit të Mjekësisë Ligjore e datës 06.06.2019; E-mailin zyrtar të datës 25.06.2019; E-mailin zyrtar të datës 23.11.2018; E-mailin zyrtar të datës 06.12.2018; E-mailin zyrtar të 05.12.2018; E-mailin zyrtar të datës 04.12.2020; E-mailin zyrtar të datës 06.07.2020; Akt emërimit e datës 05.03.2013; Përshkrimin e detyrave të punës i datës 04.09.2009; E-mailin zyrtar të datës 21.12.2020; E-mailin zyrtar të datës 17.12.2020; E-mailin zyrtar të datës 02.06.2020; Vendimin e datës 04.03.2020 me nr.16/2020; Sistemimin e Zyrës së Drejtorit të Përgjithshëm; E-mailin zyrtar të datës 15.04.2020; E-mailin e datës 16.04.2020, E-mailit zyrtar të datës 02.06.2020 E-mailin e datës 08.08.2020, dhe Përgjigje në ankesë nga organi i punësimit e datës 21.12.2020 me numër protokoll 3242/2020 bashkë me shkresat e lëndës.

Kolegji për Shqyrtimin e Ankesave pasi ka shqyrtuar të gjitha shkresat e lëndës, të parashtruara nga palët, ka konstatuar se Këshilli i Pavarur Mbikëqyrës i Shërbimit Civil të Kosovës, është jo kompetent për të vendosur lidhur me ankesën A.nr.384/2020 të datës 03.12.202, e parashtruar nga ankuesi *sepe;*

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, kërkon që Këshilli të shqyrtoj dhe vlerësoj veprimet dhe vendimet e ndërmarra lidhur me shuarjen e pozitës “Hetues Mjekësor i Vdekjes”, sipas Rregullores MD Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore.

Kolegji nga shqyrtimi i shkresave të lëndës ka gjetur se ankuesi mban pozitën e punës “Hetues Mjekësor i Vdekjes” në kuadër të Departamentit të Mjekësisë Ligjore, sipas Akt emërimit të datës 05.03.2013.

Ministria e Drejtësisë ka aprovuar Rregulloren MD Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore, rregullore kjo e publikuar në Gazetën Zyrtare më datë 03.07.2020. Me Rregulloren MD Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore është shuar Njësia e Hetuesve të Vdekjes, në kuadër të së cilës ka qenë i sistemuar ankuesi në pozitën Hetues Mjekësor i Vdekjes.

Më datë 26.11.2020 ankuesi i është drejtuar Komisionit për Zgjidhjen e Kontesteve dhe Ankesave të Ministrisë së Drejtësisë, me bazë të njëjtë ankimore, ndërsa me datë 30.11.2020, Menaxherja e Personelit të Ministrisë së Drejtësisë, ka njoftuar ankuesin lidhur me të drejtën e tij që të parashtrroj ankesë drejtpërdrejtë në Këshillin e Pavarur Mbikëqyrës për Shërbimin Civil të Kosovës, apo Inspektoriatin e Punës.

Në kuptim të përcaktimit të kompetencës së Këshillit për vendosje të ankesës, Kolegji ka analizuar dispozitat e Ligjit Nr.05/L-060 për Mjekësinë Ligjore përkatësisht nenin 14 paragrafi 1, i cili ka përcaktuar se *„Institutit i Mjekësisë Ligjore themelohet si organ qendror i administratës shtetërore, në vartësi të Ministrisë së Drejtësisë, si dhe nenin 16 ku parashihet se: ”Organizimi i brendshëm dhe sistematizimi i Institutit, rregullohet me akt të veçantë, të cilin e miraton Ministri i Drejtësisë në pajtim me Ligjin për administratë shtetërore. Ky akt përfshihet si kre i veçantë në Rregulloren për organizimin e brendshëm dhe sistematizimin e vendeve të punës të Ministrisë së Drejtësisë.*

Kolegji për Shqyrtimin e Ankesave lidhur me statusin e organizimit të Institutit të Mjekësisë Ligjore, ka analizuar Rregulloren Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore, dhe duke iu referuar pjesës hyrëse të rregullores, Kolegji ka gjetur se Rregullorja Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore është nxjerr duke u bazuar në



dispozitat e nenit 13 të Ligjit Nr.06/L-113 për Organizimin dhe Funksonimin e Administratës Shtetërore dhe të Agjencive të Pavarura, e me të cilin nen është përcaktuar se: "1. Administrata e shërbimeve publike është përgjegjëse për ofrimin e shërbimeve drejtpërdrejtë për qytetarët, në pajtim me ligjin. 2. Administrata e Shërbimit Publik organizohet si një njësi e Shërbimit Publik apo si një institucion i Shërbimit Publik. 3. Njësia e Shërbimit Publik apo institucioni i Shërbimit Publik themelohet, organizohet, funksionon dhe shuhet sipas ligjeve të veçanta sektoriale, që rregullojnë atë shërbim publik. 4. Veprimtaria e njësisë së Shërbimit Publik drejtohet dhe bashkërendohet nga ministria apo një agjenci ekzekutive përgjegjëse.

Po ashtu, Departamenti për Reformën në Administratë Publike dhe Integritet Evropiane, në kuadër të Ministrisë së Punëve të Brendshme, përmes e-mailit zyrtar të datës 02.06.2020 dhe 08.08.2020, ka konfirmuar se Instituti i Mjekësisë Ligjore organizohet sipas nenit 13 të Ligjit Nr.06/L-113 për Organizimin dhe Funksonimin e Administratës Shtetërore dhe të Agjencive të Pavarura.

Andaj, duke u bazuar në përcaktimin si me lartë lidhur me statusin e organizmit të Institutit të Mjekësisë Ligjore, Kolegji për Shqyrtimin e Ankesave konstaton se sipas rregullativës ligjore në fuqi pozita e ankuesit nuk konsiderohet pozitë e nëpunësit civil por pozitë e nëpunësit të shërbimit publik siç parashihet me neni 2 paragrafi 4 të Ligjit Nr. 06/L-114 për Zyrtarët Publikë ku përcaktohet se: *Nëpunës i Shërbimit Publik është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejtë për qytetarët në fushën e arsimit, shëndetësisë, kulturës, artit si dhe shërbime tjera të ngjashme publik*, në këtë kuptim rrjedhë se Këshilli nuk është kompetent për të vendosur për ankesën e ankuesit sepse bazuar në nenin 6 paragrafi 1 nen paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent për të vendosur vetëm për nëpunësit civil dhe kandidatet për pranim në Shërbimin Civil, respektivisht për zyrtarët publikë të përcaktuar në nenin 2 paragrafi 2 nen paragrafi 2.1 dhe paragrafi 3 si dhe nenin 4 të Ligjit Nr.06/L-114 për Zyrtarët Publikë.

Kolegji për shqyrtimin e ankesës, pas shtjellimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.384/2020

Sabile AVDYLI

Sabile Avdyli
Procesmbajtëse



Vendimi i dërgohet:

- Ankuesit
- Drejtorit të Përgjithshëm të Institutit të Mjekësisë Ligjore;
- Sekretarit të Përgjithshëm të Ministrisë së Drejtësisë;
- Udhëheqësit të Burimeve Njerëzore në Ministrinë e Drejtësisë;
- Arkivit të KPMSHCK-së.

